

1

Harry wo basa





Harry a nga rhandzi ku hlamba.
A nga rhandzi ku hlamba misisi ya
yena.




A nga rhandzi ku hlamba xikandza xa
yena. A nga rhandzi ku hlamba meno
ya yena.



**"Famba u ya hlamba Harry!"
ku vule manana wa yena.**



**"Famba u ya hlamba Harry!"
ku vule tatana wa yena.**



Harry a hlamba, a hlamba.
A hlamba misisi ya yena.
A hlamba tindleve ta yena.
A hlamba mavoko ya yena.
A hlamba milenge ya yena.
A hlamba xikandza xa yena.



Harry a languteka a basile swinene.
"Halala!" ku vule manana wa yena.
"Halala!" ku vule tatana wa yena.

Manano!



Harry mbuya, u wile a tlhela a thyaka
nakambe.


2

Swilo leswi ndzi tsakisaka





Loko ndza ha ri ntsongo a ndzi lava ku ya
exikolweni kambe a ndzi tsandzeka.



A ndzi lava ku va na vanghana vo tala
kambe a ndzi ri hava na un'we.



A ndzi lava ku va na ximbyanyana kambe
a ndzi ri ntsongo ku va ndzi nga kota ku
hlayisa mbyana.




A ndzi lava ku dyondza ku vulavula
Xitsonga.



Sweswi ndzi le ka giredi 3. Ndzi na vanghana vo tala swinene. Lavakulu, lavatsongo, makhaladi, vo basa, vafana na vanhwanyana. Ndzi tsakile ku va na vanghana vo tala va kahle.



Namuntlha i siku ra mina ra ku
velekiwa. Sweswi ndzi na q wa malembe.
Ndzi tsakile swinene. Ndzi kumile
ximbyanyana lexo saseka hi siku ra
mina ra ku velekiwa. Ndzi tlhele ndzi
kuma na xibukwana xa mahlayiselo ya
xona.



Ndza khensa Thabo. Ndza khensa Nomsa.
Ndzi khensa tinyiko ta siku ra ku velekiwa.
Ndzi khensa ku va mi ri vanghana va mina.

3 Ha hlayisa






Gija u byarile murhi.



Hi hlayisa mindyangu ya hina.
John u hlayisa kokwana wa yena wa
xisati kasi Gugu u hlayisa ndzisana ya
yena ya nhwanyana.



Gavaza u susile thyaka erivaleni ra
mitlangu.




Jabu na Sam va susile thyaka
enambyeni.



Lulu u yisile ximbyanyana lexi vabyaka
eka SPCA.



Bongi u fonerile va xitimelandzilo ku va
vikela ta ndzilo enhoveni.



Hinkwerhu hi hlayisa misava ya hina.

4


A hi yeni emavhengeleni





Hi lowu nxaxamelo
wa swixaviwa.

Manana wa Gugu u komberile Gugu ku
ya evhengeleni.



U nyikile Gugu nxaxamelo wa swixaviwa
na mali. Gugu u sukile a famba na
munghana wa yena lonene Jane.



Gugu u hlayile nxaxamelo wa swixaviwa a tlhela a famba a ya lava xinkwa na matandza. Lexi landzelaka Gugu u tekile xisibi. Mavoko ya Gugu a ya tele hi swilo.



"Ndzi kombela ku vutisa," ku vula Gugu:

"Xana maphepha ya xihambukelo ndzi
nga ma kuma kwihi?"

"Maphepha ya xihambukelo i mali muni?"

"Xana masi ya le kwihi?"

"Masi i mali muni?

Sweswi hi swihi swin'wana leswi ndzi swi
lavaka?

Sweswi hi swihi swin'wana
leswi ndzi swi lavaka?



"Ndzi lava xipinichi."

"Xipinichi i mali muni?"

"Ndzi lava maapula."

"Maapula i mali muni?"

"Ndzi lava mazambhana."

"Mazambhana i mali muni?"

Ehee! Ndzi rivarile
mali ya mina ekaya!



Gugu, Gugu, u siyile
mali ekaya.

Halala!



... kutani Gugu u hakelerile swixaviwa.

"Ndzi karhele!" ku vula Gugu.

"Ndzi vile na siku ra migingiriko yo
tala."

5

Xikolo xo basa swinene ku tlula hinkwaswo edorobeni



Namuntlha i siku ra mphikizano wa ku basisa. “Onge hi nga hlula,” ku vula nhloko ya xikolo xa hina. “Onge hi nga hlula,” ku vula mudyondzisi wa hina. “Onge hi nga hlula,” ku vula vana hinkwavo.



Hi basisile swirhana swa swiluva.
Hi basisile xirhana xa matsavu.
Hi susile thyaka erivaleni ra mitlangu.



Hi basisile khixi ra xikolo.
Hi hlantswile mapoto.



Hi hlantswile mafasitere.
Hi kukurile tlilasi.
Hi veketerile kahle madesika ya hina hi
tlhela hi paka tibuku hinkwato.



Hi rhwalerile thyaka ehandle ka xikolo
xa hina. Hi rhwalerile thyaka exitichini
xa mabazi na le rhenkeni ya mathekisi.



Hinkwaswo a swi vangama loko vaahluri
va fika.



"Hoyohoyo Phurayimari ya Lesedi.
Mi winile sagwati ro sungula," ku vula
meyara. "Hinkwenu mi ta va na rendzo
ro ya entangeni wa swiharhi."



Hi sukile hi famba.
Bazi rin'we, mabazi mambirhi, mabazi
manharhu, ma tele hi vana lava nga
endleleni yo ya entangeni wa swiharhi.


6

Maxelo na tin'hweti





Xana siku ra wena ra ku velekiwa hi
rihi? I 22 Mawuwani.
Ku va ku ri xixika.
Ku titimela ngopfu ku tlhela ku va na
mapapa.



Xana siku ra wena ra ku velekiwa hi
rihi? I 5 N'wendzamhala.

Ku va ku ri ximumu.

Ka hisa swinene naswona ri va ri tlhave
kahle.




Xana siku ra wena ra ku velekiwa hi
rihi? I 3 Mudyaxihi.
Ku va ku ri xixikana.
Ku na moyo naswona ka titimelanyana.



Xana siku ra wena ra ku velekiwa hi
rihi? I 6 Ndzati.

Ku va ku ri ximun'wana.

Ku ni dyambu ku tlhela ku kufumela.



Xana siku ra wena ra ku velekiwa hi rihi?
I namuntlha!



Ku na mpfula, ku na bubutsa. Ku ba
moya naswona ku titimela ngopfu.
Kutani, a hi veni na phati.

Mpfula ya na mthothotho,
Hi ta dya matimba, mthothotho!
Mpfula ya na mthothotho,
Hi ta dya timanga
Mthothotho!

Mpfula ya na mthothotho,
Hi ta dya swifaki,
Mthothotho!

